

برواز

أحمد توفيق



الجمعية المصرية العامة للكتاب
٢٠٠٣

كتابات جديدة

رئيس مجلس الإدارة
أ.د. سمير سرحان

رئيس التحرير
د. سهير المصادفة
مدير التحرير
السماح عبد الله

الإشراف الفني
صبرى عبد الواحد

تصميم الغلاف
الفنان: سامى بخيت

مستشارو التحرير
د. عبير سلامة
د. مجدى توفيق
د. مصطفى الضبع
د. حاتم عبد العظيم

الأهداء

إلى أبى

وروح أمى الطاهرة

إلى شقيقى السيد وعلى

إلى الصديق الفنان أحمد صالح

واليها ..

أحمد

- برواز
- البنت دى
- البحر

برواز

v

١ . المشهد هوّ هوّ

قاعد أنا

وهوّ قاعد قصادي

على نفس الكرسي القديم

في نفس المكان القديم

ساعه ..

ساعتين ..

ثلاثه ..

وهي بكل التزام

بتسمع جلال الكلام

.....

تمر السنين وتموت

يغيب

وهي تغيب

ولما يعود

هي كمان بتعود

مع إنه مش موجود

هذا الخيال حاضر

دلوقت

قُدامي..

نفسی اسأله الأسباب

وألأقى عنده جواب

نفسی اسأله ..

واسأله

یتکب دمی

سؤال

لیه.... ۱۹

ولیه..... ۱۹

لیه.... ۱۹

.....

المغنى:

حلمك على قدّه

مش قدّي

ومزاجك

بيجيب ويودّي

على طول غفلان

بصرك عميان

بحرك غرقان

الصوره ف عيني..

بقت واضحه

والليل ملين..

.....

نبدأ حكايتنا

من الأوّل

«قبل ما تتلف

وتدور

وتقاسيمها تبان...»

مشدوده عيون البلكونه

لباب الدكان

البصه جابت كلمايه

والغمزه جابت ضحكايه

الأسطوات عملوا حكايه

وحكوها كمان.....:

الأبلاكاش اتلف

ولان

لمسة صوابع

إيد فنان

عجينه تعجن وتري

أراجوز مدرج متوصى

ما تفكرنيش..

اللوم عندي..

٢ . لحظة ما تنهيا لى

كانت بتنهيا له

أمد إيدى ..

ألسها ..

تتخبا تانى

تغيب جوّه

فى خيالُه

لأ ..

جوہ فی خیالی

أدوّر علیہا

یدوّر معای

اسألہا ..

یسألہا :

أشوفك إمتی.. ۱۹۰

وازاى.. ۱۹۰

تتط من جواه

وجواى

تريح الكرسي

حبتين

شويه..

بشوية..

تسحب تانى

للبرواز..

تعمز لهُ بعنيها

وهي بتبتسم

وتقول لي:

أشوفك يوم الخميس

اللي جاي

المغنى :

من غير ما اقصص

فى القصاقيص

من غير ما ألم متألم

أنا جاى أضبش

تانى..

واعيش..

على إيدك

أنطق..

أتكلم..

يمكن أفسر

واتعلم..

.....

أبدأ بكلمه

واتننى القول

وأمد إيدى الكنزه

تطول..

لحد ما تعدى

المحظور..

واكشف خبايا

المتخبي

أراجوز أنا

وما فيش قدي

ما تفكرنيش..

اللوم عندي..

٣ . عندك حق
كان لازم أفهمها
زى ما أنت فهمتها
قلبتى..
وقلبتها..
قربت منها
بكل حكمه ولين
لعبتها

وشكَّلتها سكين
عمَّاله تدبَّح فيَّ
من أربع سنين
كان لازم أكتم قلبي
وانطق :
لأ
عندك حق ..
عندك حق
جوايا شيء مش طبيعي
كل يوم
أحلم نفس الحلم
يتكرر المشهد ..
ويتكرر نفس الكلام
...

المغنى :

ما اقدرش آدم

ف افعالو

من حقه يعمل..

ما بدالو..

مادام مافيش

فى الصوره حسيش

ولا حد قام

يتصد الو..

.....

الأبلاكاش

عشان إنه هشيش

يجرالو

زاي ما يجرالو

.....

الكل عارف

ومخبي

وجع الليالي

المتعبى

ما تفكر نيش..

اللوم عندي

٤ . مين اللى قاعد

دلوقت ع الكرسي...١٩

أنا..

ولاً هو

مين اللى برّه البرواز...١٩....

ومين اللى جوّه...١٩....

يمكن يكون الوضع طبيعى...١٩...

يمكن...١٩...

يمكن أكون أناني... ١٩...
مين فينا اللي بيعاني... ١٩...
عنيّ اللي دبلت... ١٩...
ولّا عنيه... ١٩...
إيه.....
«بدأ يغفل»
وينام نوم خفيف
يراقبها وهي طالعه
من لوحة عبدالسلام الشريف
المتعلقه ع الحيطه
ما سكه ف إيديها
عود الزرع الأخضر
اللى ورقه بيصفّر بالتدريج...»

المُرَادِي

المشهد مش عادي

ما وقفش ع الأرض كتير

قبل ما تقرب من التابلوه الإزاز

شردت من جواه

وجواي..

لا طلعت من الباب

ولاخشت البرواز

آخر حاجه قالتها

وهي بتغيب :

أشوفك يوم الخميس

اللي جاي

المغنى :

يا لا العجب..

يا خلق هوووه

يا اهل الأدب

دمى هرب

يا خلق هوووه

قوموا إلحقوووه

.....

من كام سنه..

قبل الأوان..

عصفوركو

من جنتكوا طار

عشش.....

في أحضان بهلوان

أراجوز خشب

حط.. ونشب

لف... ونصب

ومن البلكونه القديمه

وع النواصي..

وع البيبان..

قعدوا الجيران

الغمر قال لا اللهم:

هُس..

هُس..

يَحْلَقُ..

ويُص

بُص... بُص

أراجوز حُلنَجِي

عَرِي

ولاوندى

الأسطى أفندى

إديته

من دا

إداهـا

من دى

ما تفكر نيش..

اللوم عندى..

٥ - فضلت أحلم

ويعلم

أيام..

ورا أيام..

تطلع من الصورة

تضحك..

أضحك

وافرح معاها

وهو يضحك كمان

قرّيت منّا..

قرّينا..

وقعدنا زى زمان

نلعب..

ونتسامر..

ونبص ع البرواز

(أستاذ...!)

اللعبة لعبته..

يلاعها

ومطاوعاه

عمّال يلم الإزاز

باللعب والألغاز

والزهرة المقلوب

بينفذ المطلوب

يرميه على الجانبين..

يرمى لى دور

إعجاز..

أستاذ.....!

وفضلنا نتسامر

هو الذى يوزع الأدوار

ساعات يديها دور مأمور

وساعات يديها

دور آمر

ولما ادانى

دور ملعب

سألته:

ليه.. ١٩..

ملعب إيه.. ١٩..

اللى كل يوم

لعبه من الألعاب

بتتشكل عليه..

.....

وخرجت برّه الحوار

....

المغنى:

لحظة ما نطقت غنوتى

وقالت عنيّ

حُب وحنان

.....

لحظة ما نطقت غنوتُه

وقالت عنيّه

حب وحنان

ما اعرفش ليه..!٩

الغريه هجمت ع المكان

البحر هادى

سطلته الريح..

قام.. وقط

البحر نط

شال بين كفوفه الموج

وحط

مجنون..

ولعبه مدروحه

ع الشط...

بطايه سبقت سرب بط..

الغيه ايه... ١٩

كان فى دماغى

بُرْجُ شَطْ..

وَبُرْجُ غَام

الغيم عليه

ما اعرفش ليه.. ١٩..

كل يوم كدبه

بتأخذ فرحه

وتنتهى..

ونهار بيرسى نهار

وبيكى عليه

ما اعرفش ليه... ١٩...

الضحكه فى الصوره..

صافيه

ومبهوره

كفك على كفى

خدك

على خدى

قلبك

على قلبى

بحرى

وفى الشاطبي

ما اعرفش ليه... ١٩

كل الوجود

خد بي

لدىنا مسحوره
وطريق مالهُش امان
ما تفكرنيش..
اللوم عندى

٦ - مشيت وراها

ناديتها ..

نادها ..

كلمتها ..

كلمها ..

قعد لي ..

سهَّيته ..

ودخلت بيها الخيال

.....

الحال كان من مُحال

لقيته جوه المنام

أمد إيدي..

لايديها

الأقيه..

بيسبقتني

أهديها غنوه...

واغنيها..

الأقيه

يفنيها

«الحلوه عصفوره

طايره في واديها

للصبح سهرانا

والحنَّه ف إديها

واحننا يا دوب ضلين

ماشين حواليتها

ضحكتها

سارقانا

دايره

ووخدانا

للتوهه ف عنيتها..»

والمكان كل ما يتملى بالناس

أغيب أنا

فى غُنَايا

وهو يغيب

ويَايا..

....

المغنى :

البحر مالح

والليل غيام

تمثال حجر

ومالهش بيان

.....

قرب

ووجه لى كلام

كلام فاضی

كلام ملیان

وحكايه ختمت

بالهزيان

وقف قصاص الموج

غلبان

عقلانه عينه

ومش غفلان

الوش وشه

ومش شايفان

الصوت يسطه

ومش سامعان

غرقان في قلقه
ومش قلقان
تايه في زلعة بوظه
هندي..
ما تفكرنيش..
اللوم عندي
.....

٧ . قعدت أبوح
بالكلام
كل ما اتعب
أبوح..
لما غلبني البوح
سألتُه بصوت مدبوح
ليه طعم الحياه مُر..
لاح الخيال

بالملام

وما قالش

أى كلام

.....

سكيت

سكوت الحزين

وبقدرة الضامن

قتلنى

بدمعتين..

نرجع لنفس السؤال

ليه طعم الحياه مُر...١٩..

ليه...١٩..

ليه.. المكان هو المكان...١٩..

الكراسى هى..هى

والوشوش هى الوشوش

هو بيشبهنى صحيح

ولاً.. لاً... ١٩

معايا فى البرواز

ولاً.. لاً... ١٩

سألت..

وسألت..

وسألت..

كان الوهم كبير

المهم إنه نرَضُكَ

قاعده نفس القاعده

على نفس الكرسي

القديم

عيونه الشاردانين

أبدأ

مش مفهومين

المغنى:

من حقى أهرب

من حقى أعيش

من حقى أقولك

ما يهمنى..

ما تفكرنى..

رغم اللى كان

رغم المحبه

رغم الملام

شوفت ف عتابك

حبة كلام

.....

تقرب بكلمه

تبعد بكلمه

نعاند..

نهاؤد

نغيب فى الكلام

دموعك..

وضحكك..

مجرد كلام..

فيه كلمه بتحى

وكلمه بتقتل..

كلمه تسيبك لوحدهك

وحيد

وكلمه بتاخذك لقلب الزحام

ياليل مش مقضى

ساعاتك فى ودى

أنا ليه كلام..؟!

.....

رغم الغرور اللى فيك

والتحدى

كلامك على خاطرى

دایما یعدی
مجرد کلام
ماتفکر نیش...
اللوم عندی..

٨. عمال أقول

ويا هل ترى.. ١٩

هو كمان بيقول :

يمكن ترجع فى يوم

تنط م البرواز

معاها عود الزرع

الأخضر

تقرب منى بالتدريج

.....

وقبل ما تغيب

تغمز له بعينها

وهي بتبتسم

وتقول لي:

أشوفك يوم الخميس

اللي جاي..

المشهد هو

هو

.....

من كان يوم

.....

من كام شهر

.....

من كام عام

.....

قاعدا أنا

وهو قاعدا قصااى

على نفس الكرسى القايىم

فى نفس المكان القايىم

ساعه..

ساعتين..

ثلاثه..

عنى قلقاته

ومستنى..

الڀنت دی

صور..

وشبابيك كثير

طالعه تبص على الميدان

وشوش ملايكه

بتتبدل..

لكن العجيب

الصوره دى..

اشمعنى يعنى

الصورة دى

بالذات ١٩٠٠

البنت دى..

إشمعنى يعنى

البنت دى

بالذات ١٩٠٠

الوش زى ماهو

عيونها النيل

ونظرتها الوئس

.....

بتصحى موج البحر

زى زمان

المغنى :

البنّت دى..

القاعده دى..

الواقفه دى..

الماشيه دى..

كانت هنا

من كام سنه

ع الشط دا

فى الميّه دى

...

قالت : يا حبيبي

قلت لها ..

من غير ما افضفض

بلساني

وفضلت أجزى

ورا خيالها

ع الميه

وتغيب قدامي

.....

وكل ما المح طيفها

أشوف..

البحر والقمر

المكسوف..

بيدور في عقلى

وفي جنائى

ع الشط دا..

فى الميه دى..

....

الموجه كانت سارقانا

ترجع..

تفوتنا..

وتلقانا..

ع البحر

والقمره معانا

بتصحي أحلام

جوانا

نسرح في ليلها

ودنيانا

بتأخذنا تاني

لذكرانا..

نرجع نقليب

في هوانا

.....

ع الشط دا

في الميه دي

.....

ظهرت..

في الغيمه

والموج العالي

وسابتني للشوق وحداني

سابتني للشوق وحداني

عمال أدور في غنايا

عن غنوه بتقول

معنايا

الاقيا بتنط معايا

في الميه دي

ع الشط دا

من کام سنه

كانت هنا

الماشيه دى

الواقفه دى..

القاعده دى..

البنيت دى..

البحر

قُدام البحر...
قاعد يشجع نفسه
ويرجع يحذرهما تانى
ويدخلها جوا الإزاز
مع إنه بيتكلم فى سره
البحر جواه
وبيردد كلامه
.....

إحسبها كويّس
ما تنقاش عبيط
حاسب لياخذك الموج
للفويط
خليك برّه البرواز
بلاش تدخله

.....

البحر يغيب
ويطلع من تانى
ع الشط
يحدّف الناس بالأغانى
والبنات السكرانين

«يا لى بتعلم بالجنه

عمال تحب وتتمنى

اكبش في إيد

حبة حنه

واكبش إيدك التانيه إزاز

يمكن توازن موازينك

تده حبيبتك

وتجيلك

وسط الغيوم

ما إنت الأستاذ..»

البحر مين ١٩..

وطن .. ولأ زمان ١٩...

حجر.. ولأ إنسان ١٩...

بنى آدم

زى البنى آدمين... ١٩

تختفى الصورة

وتبان

وسط الموج والغيم والبرد

البحر يتهد

ويكرر نفس الكلام

بص ع الصورة من بعيد

وساعة ما تحس إنك فهمتها بجد

فسرّها لنفسك

قبل ما تواجه الناس بيها

وبعدين

غنيها

المغنى:

البحر... آاه

توهه... ونجاه

فرقه... وحياء

كورنيز

وحضره

ومندره

البحر سمكه

صغيره

متقسمه..

ومتدوره

.....

اتنهدت..

فردت إيديها

ما قدرش شاطر يعاندها

وهي رايجه ف سكتها

البحر نط

ولف

وتاه

وفضلت أغنى

وأقول :

الله

واحضن في قلبي اللي اغتوى

.....

قَرَّيت من إيدھا

آخذھا

وقف ما بينی

وبين عودھا

الغيمه والموج

والهوا..

ضحكت وبصت في الميّه

سحبت عيونھا

معدیه

.....

طابت لي

.....

عمنا سوا

.....

فرقه.. وحياء

توهه.. ونجاه

البحر.. آاه

...

١ - مرم..

مرتین..

مرات کثیر..

.....

أغیب وسط الموج

واطلع....

من جدید

قلقان

قاعد على نفس الشط القديم

على نفس الكرسي دا

فى نفس الكافيتريا دى

وهى قاعده قدامى..

.....

على التراييزه اللى ما بينا

الكوبيتين..

كوباية الحاجه الساقعه الفاضيه..

.. وكوباية الحاجه الساقعه المليانه

.....

اليوم كان زى اليوم

السما صفرا

والبحر مش مبسوط

كل ما ابص عليه

وأمد إيدي جواه

يبهت...

ويسرقني لـ ثواني

وترجع هيّ تجيني من تاني

على نفس التراييزه

في نفس المكان..

.....

أحاول أقرا

الغموض اللي في عنينا

ومن غير ما اقصد

عنيّ تسرح

تراقب

حركات الشفايف

رغم إن البحر

كان خايف

أنا كنت يومها

مش خايف

المغنى :

البحر طيب

شرائى

البحر ليها

وعلشانى

البحر حواديت

ومعاني..

.....

البحر بير

البحر سمكه صغيره

وسمك كبير

تقطس..

تقب..

تعوم..

تطير..

سمكه أميره

يا هلترى...!٩

مين الأمير...!٩

.....

نعشق

ويغلبنا الهوى

نغرق معاه

فرقه..

وحياه

توهه..

ونجاه

البحر..

آاه

٢ . قعدت أتابع المشهد

طلعت من الميه

وشاورت لى

.....

بدون كلام

البحر قام

طلَّق البنات اللذاذ

من داخل البرواز

البحر هَدَى

وبعد ما هَدَى نَطَّ

البحر حَطَّ

الموج غرَّق الشط

ساب في العيون

حبة غيوم

.....

حببت أقوم.....

ميل على

وسألني:

إنت صحيح مش خايف؟

.....

قلقت من تاني

الصوره بهتت

والصوت وَشَّ في ودانى

.....

بدأت تسهينى

وتهرب منى

لعنيت

هى ولا

مش هى

معايا ولا لا

حق ولا

مش حق

سألت نفسى:

أنا شايف؟

ولا مش شايف؟

الناس..

الشط..

الموج..

الغيم..

الكل مهزوز

حتى البحر ف عيني طايف

ساعات أبقى شايف

وساعات كتير

أبقى مش شايف

المغنى :

البحر بوح

شكوى وجروح

البحر

بنوته.. ولا

نغمه على العود

دندنه

.....

أمشى..

تروح ما اطرح ما اروح

.....

أرجع..

تقف لى على السطوح

وتغنى للقمر الصبوح

غنيوه مش لى أنا

.....

فرقه.. وحياء

توهه.. ونجاه

البحر.. آاه

٣ . سمعت كلام البحر

وقعدت ساكت..

قرب منى

يحكى لى..

وقربت منه أحكى له

.....

الملاح اللى كانت مغطيه الميه

غابت فى عنيه

ما كنتش شايفها كويس

مرّه جنيّه

ومرة تتطع الشطط..

بلطيّه

.....

ماشيه جانبي

وبدون داعي

لقيتها بتسحب ذراعها

من ذراعي

انزعجت جداً

وانا واقف ع الناصيه

برّه البرواز

شايڤ عيونها الخجلانين

بتحدف نظره

ع البحر

وترجع تبص تانى

من خلف الإزاز

المغنى :

البحر فرخ

البحر جرح

البحر غاية منتهاه

تسهر على عزه ورضاه

.....

البحر صمت

البحر همس

البحر عين

البحر شط المحرومين

البحر ليه.. ١٩..

البحر امتى... ١٩

البحر مين.. ١٩

البحر جه

البحر غاب

البحر تاب

البحر جته من العذاب

فرقه.. وحياء

توهه.. ونجاه

البحر.. آاه

٤ - مرات كثير..

مرتتين..

مره..

الطريق مر

بس الوصول مش مر

الكلام حر

بس القلوب

مش حره..

.....

انبجر اليوم فرحان

بيلف جوّا المكان
وبيحْدِفْ البنات
ع الشط
البحر نط
حط في دماغنا القلقانه
صور
وحكاوى
ومغنى
البحر اللى جاى دلوقتى
عشان يفرّقنا
هو نفسه اللى جه من زمان
لمّ حوالينا

القرايب

والجيران

وجمَّعنا

.....

البحر النهارده

حويط

البحر النهارده

عبيط

البحر النهارده جبان

غلبان

زعلان

فرحان

كل اللى يقدر يعمله معنا

يمسك العود..

يفنى..

يسمّعنا..

كلام بمعنى

وكلام كثير

بدون معنى

المغنى:

البحر بلطية وشبك
مجنون بأحلامه اتشبع
سهران بيقصد كل باب
يسألها حبة أسئلة
وهى تهرب م الجواب

.....

ومن العيون البراوية الطيبة
بصت لى بصره قريبه
ويصوت حزين

سألتنى هى

سألت : مين....

يقدر يصحى الميتين ١٩

البحرق

.....

البحرراق

البحر غاب..

ساب فى العيون التلج

دمعة حنينه

ونظرة عتاب

وطلع يفنى

غنوته للشط..

مش لى أنا..

فرقه.. وحياء

توهه.. ونجاه

البحر.. آاه

٥ - مرات كثير..

مرتتين..

مرة..

بقيت أنا حُر

وهي كمان بقيت حرّه

.....

سحبت عيونها من البرواز

ومشيّت..

وفضلت قاعد لوحدي

أبص للشط القديم

على نفس الكرسي دا
فى نفس الكافيتريا دى
لسه على الترابيزه اللى ما بينا
الكوبائتين
كوبايه الحاجه الساقعه الفاضيه
وكوباية الحاجه الساقعه المليانه
أندّه ع الموج
ما يسمعنش
شويه بشويه
يفيب مع البحر
جوا الليل
.....
ما يفضلش منه

غير مجرد سحابة صيف

وذكريات مرّة

مرات كثير

مرتّين

مرّة

بقيت أنا حرّ

وهيّ كمان

بقت حرّه

...

المغنى :

البحر قمره مصوره

البحر طرحه منوره

روجه

وجايه

ومشوره

البحر سمكه صغيره

متقسمه

ومتدوره

.....

اتنهدت..

فردت إيديها..

ما قدرش شاطر يعاندها

وهي رايحة ف سكتها

البحر نط

ولف

وتاه

وفضلت أغنى

واقول:

الله

واحضن في قلبي اللى اغتوى

.....

قَرَّبَتْ مِنْ إِيْدَهَا

أَخْدَهَا

وَقَفَ مَا بَيْنِي

وَبَيْنَ عَوْدَهَا

الْغَيْمَةِ وَالْمَوْجِ

وَالْهَوَا

ضَحَكَتْ

وَبَصَتْ

فِي الْمِيَةِ

سَحَبَتْ عَيُونَهَا

مَعْدِيَةِ

.....

طابت لي

.....

عُمنّا سوا

.....

فرقه.. وحياء

توهه.. ونجاه

البحر.. آاه

رقم الإيداع بدار الكتب ٨٤٦٦ / ٢٠٠٣

I.S.B.N 977 - 01 - 8532 - 9